

官常典第四百一卷

給諫部名臣列傳九

明五 遂中立

按明外史本傳中立字與權聊城人萬曆十七年進士由行人擢吏科曰至尊親裁臣謂所斥者非龍御史吳弘濟南部郎譚一召孫繼有安希范咸以爭趙用賢之罷被斥中立抗疏曰諸臣率好修士使踰伏田野誠可惜也陛下怒言者則曰出朕獨斷輔臣王錫爵亦曰至尊親裁臣謂所斥者非正人也則斷自宸衷固陛下去邪之明卽擬自輔臣亦大臣爲國之正若所斥者果正人也出於輔臣之調旨而有心斥逐者爲妬賢卽出於至尊之親裁而不能匡救者爲竊位大臣以人事君之道當如是乎陛下欲安輔臣則罷言者不知言者罷輔臣益不自安疏入忤旨停俸一歲尋進兵科右給事中有詔修國史錫爵舉故詹事劉虞夔爲總裁虞夔錫爵門生也以拾遺劾罷諸御史言不當召而中立詆虞夔尤力并侵錫爵遂寢召命未幾文選郎顧憲成等以會推閣臣事被斥給事中盧明諷救之亦貶秩中立上言兩年以來銓臣相繼屏斥尙書孫鑰去矣陳有年杜門求罷矣文選一

署空曹逐者至再三而憲成又繼之臣恐今而後非如王國光楊巍則不能一日爲冢宰非如徐一
價謝廷案劉希孟則不能一日爲選郎臧否混淆舉錯倒置使黜陟重典寄之權門風靡波流莫究
所終矣邇歲君臣道隔用舍斥罰視一時喜怒公議壅闕煩言滋起此人才消長之機理道廢興之
漸不可不深慮也且會推閣臣非自十九年始皇祖二十八年廷推六員而張治李本二臣用卽今
元輔錫爵之入閣亦會推也蓋特簡與廷推祖宗並行已久廷推必諧於僉議特簡或由於私援故
舜舉皋陶湯舉伊尹必曰選於衆今輔臣趙志臯等不稽典故妄激聖怒卽揭救數語譬之強笑而
神不借來欲以動聽難矣方今疆場交聳公私耗敝羣情思亂識者懷憂乃朝議紛紜若爾豈得不
長歎息哉帝怒嚴旨責讓斥明諷爲民而貶中立陝西按察司知事引疾歸家居二十年卒熹宗時
贈光祿少卿

楊恂

按明外史本傳恂字伯純代人萬曆十一年進士授行人擢刑科給事中錦衣宄官多至二千人請
大加裁汰不用累遷戶科都給事中征倭之師冒破帑金不貲恂請嚴勅邊臣而劾武庫郎劉黃裳

侵耗罪黃裳卒罷去尋上節財四議格不行王錫爵謝政趙志臯代爲首輔御史柳佐章守誠劾之志臯乞罷不許御史冀體極論志臯不可不去帝怒責對狀體抗辭不屈貶三秩出之外以論救者衆竟斥爲民恂復論志臯并及張位其略曰今之議執政者竄曰擬旨失當也貪鄙無爲也是固可憂而所憂有大於是者許茂樞罷閒錦衣厚齎金玉爲奸被人緝獲使大臣清節素孚彼安敢冒昧如此乃緝獲者被責而行賄者不問欲天下澄清其可得耶可憂者一楊應龍負固不服執政貪其重餌與之交通如近日綦江捕獲奸人得所投本兵及提督巡捕私書其餘四緘及黃金五百白金千虎豹皮數十不言所投臣細詢播人始囁嚅言曰求票擬耳夫票擬輔臣事也而使小醜得以利動哉可憂者二推陞者吏部職也邇來剝專擅之說以蠱惑聖聰陛下入其言而疑之於是內託上意外諉廷推或正或陪惟意所欲苟兩者俱無當則駁令更推少不如意譴謫加焉倘謂簡在帝心非政府所預何所用者非梓里姻親則門牆密契也如是而猶曰吏部專擅乎可憂者三言官天子耳目糾繩獻納其職也邇來進朋黨之說以激聖怒陛下納其譖而惡之於是假托天威肆行胥臆非顯斥於建白之時則陰中於遷除之日倘謂斷自宸衷無可挽救何所斥者非宿昔積怨則近日

深讎也如是而猶謂言官結黨乎可憂者四首輔志臯日薄西山固無足責位素負物望乃所爲若斯且其機械獨深朋邪日衆將來之禍更有難言者請罷志臯而防位嚴飭陳于陛沈一貫毋效二人所爲疏入忤旨命鐫一級出之外志臯位疏辨且乞宥恂于陛一貫亦論救乃以原品調陝西按察經歷引疾歸久之吏部尙書蔡國珍奉詔起廢及恂未召卒體武安人被廢累薦不起卒於家

朱爵

按明外史楊恂傳朱爵開州人由荏平知縣召爲吏科給事中嘗論時政闕失因疏趙志臯張位寢閣壅蔽罪不報尋切諫三王並封且論救朱維京王如堅等復劾志臯位私同年羅萬化爲吏部坐謫山西按察知事卒於家天啟中贈太僕少卿

戴士衡

按明外史本傳士衡字章尹莆田人萬曆十七年進士除新建知縣擢吏科給事中時方用師朝鮮集水陸兵天津以資應援士衡言河間州縣多棄地請人給田五十畝畀牛種以耕一年而罷餉三年而田可盡闢從之薊州總兵官王保濫殺南兵士衡極論其罪已請亟補言官劾石星誤國大罪

五山東稅使陳增請假便宜得舉刺將吏淮揚魯保亦請節制有司士衡言堂堂天朝不宜令刀鋸之餘品題天下豪傑恐王振劉瑾復見於今仁聖太后梓宮發引帝不親送士衡言母子至情送死大事奈何於內庭數武地斬一舉足勞今山陵竣事願陛下扶杖出迎神主庶少慰聖母之靈答臣民之望錦衣千戶鄭一麟奏開昌平銀鐵士衡以地逼天壽山抗疏力爭皆不報二十五年正月極陳天下大計言方今事勢不可知者三天意也民心也氣運也大可慮者五紀綱廢弛也戎狄侵陵也根本動搖也武弁疎略也府藏殫竭也其切要而當亟正者一則君心也因陛下高拱九重殆將十載目不睹師保之容耳不聞丞弼之議美麗當前燕嬙自佚卽欲殫聰明以計安社稷其道無由誠宜時御便殿召執政大臣講求化理則心清欲寡政事自修亦不報日本封事敗再劾星及沈惟敬楊方亨且列上防倭八事多議行俄劾南京工部尙書葉夢熊刑部侍郎呂坤薊遼總督孫鐵及通政參議李宜春時鐵已罷宜春自引歸坤亦以直諫去給事中劉道亨石坤力誡士衡謂其受大學士張位指士衡亦劾道亨與星同鄉力護封事爲星報復帝以言官互爭皆報寢尋劾罷文選郎中白所知帝惡吏部郎貶除者二十二人因詰責吏科朋比都給事中劉爲楫楊廷蘭張正學林應

元及士衡俱引罪詔貶爲楫一秩與廷蘭等並調外士衡得蘄州判官無何詔改遠方乃授陝西鹽課副提舉未赴會憂危歘議起竟坐遣戍先是士衡再劾坤謂潛進閩範圖說結納宮園因請舉册立冠婚諸禮帝不悅至是有跋閩範後者名曰憂危歘議誣坤動搖國本與貴妃從父鄭承恩戶部侍郎張養蒙山西巡撫魏允貞吏科給事中程紹吏部員外郎鄧光祚及道亨所知等同盟結納羽翼貴妃子承恩大懼以坤道亨所知故與士衡有隙而全椒知縣樊玉衡方上疏言國本指斥貴妃遂妄指士衡實爲之玉衡與其謀帝震怒貴妃復泣訴不已夜半傳旨逮下詔獄拷訊比明命承成士衡廉州玉衡雷州御史趙之翰復言是書非出一人主謀者張位奉行者士衡同謀者右都御史徐作禮部侍郎劉楚先國子祭酒劉應秋故給事中楊廷蘭禮部主事萬建崑也諸臣皆位心腹爪牙宜并斥帝入其言下之部院時位已落職閒住署事侍郎裴應章副都御史郭惟賢力爲作等解帝不許奪楚先作官出應秋於外廷蘭建崑謫邊方應章等復論救帝不悅斥位爲民士衡等再更赦皆不原四十五年士衡卒於戍所巡按御史田生金請脫其戍籍釋玉衡生還帝不許天啟中贈

太僕少卿

金士衡

按明外史本傳士衡字秉中長洲人父應徵雲南參政以廉能稱士衡舉萬曆二十年進士授永豐知縣擢南京工科給事中疏陳礦稅之害言曩者采於山權於市今則不山而采不市而權矣刑餘小醜市井無籍安知遠謀假以利柄貪饕無厭楊榮啟釁於麗江高淮肆毒於遼左孫朝造患於石嶺其尤著者也今天下水旱盜賊所在而有蕭碭豐沛間河流決隄居人爲魚鼈乃復橫征巧取以感之獸窮則攫鳥窮則啄禍將有不可言者甘肅地震復上疏曰往者湖廣冰雹順天晝晦豐潤地陷四川星變遼東則天鼓震山東山西則牛妖人妖今甘肅又天鳴地裂山崩川竭矣陛下明知亂徵而泄泄從事是以天下戲也因極言邊糶告匱宜急出內帑濟餉罷撒稅使毋事培植克引鹿臺西園爲戒帝皆不聽南京督儲尙書王基雲南巡撫陳用賓拾遺被劾給事中錢夢阜御史張以渠等考察被黜爲沈一貫所庇帝皆留之士衡疏爭侍郎周應賓黃汝良李廷機當預推內閣士衡以不協人望抗章論姜士昌宋熹言事得罪並申救之給事中王元翰言軍國機密不宜抄傳詔併禁章奏未下者由是中朝政事四方寂然不得聞士衡力陳其非便疏多不行帝召王錫爵爲首輔以被

古今圖書集成
劾奏辨語過憤激士衡馳疏劾之尋擢南京通政叅議時元翰及李三才先後爲言者所攻士衡並爲申雪三十九年大計京官掌南察者南京吏部侍郎史繼偕齊楚浙人之黨也與孫丕揚北察相反凡助三才元翰者悉斥之士衡亦謫兩浙鹽運副使不赴天啟初起兵部員外郎累遷太僕少卿引疾去卒於家先是楊應龍伏誅貴州宣慰使安疆臣邀據故所侵地總督王象乾不許士衡遂劾象乾起釁後象乾弟象恆巡撫蘇松以兄故頗銜士衡廉知其清介狀稱說不置云

汪若霖

按明外史本傳若霖字時甫光州人父治保定知府若霖舉萬曆二十年進士授行人三十二年擢戶科給事中有司貪殘率從輕論非律邊吏竭脂膏外媚敵內媚要津而京軍十萬半虛冒非計兵部尙書蕭大亨被劾求去吏部議留若霖力詆部議雲南民變殺稅使楊榮詔從巡撫趙用賓言命四川丘承雲兼領若霖言用賓養成榮惡今不直請罷稅而倡議領於四川負國甚乞亟斥用賓追寢前命皆不報進禮科右給事中自正月至四月不雨若霖上疏曰臣稽洪範傳言之不從是謂不父厥罰恆暘今郊廟宜親朝會宜舉東宮講習宜開此下更言之而上不從者也又有上言之而

中變者稅務歸有司權瑞猶侵奪起廢有明詔啟事猶沈閣是也有上屢言之而久不決下數言之而上不斷者中外大僚之推補被劾諸臣之進退是也凡此皆言不從之類積鬱成災天人恆理陛下安得漠然而已哉時南京戶工二部缺尙書禮部缺侍郎廷推故尙書徐元泰貴州巡撫郭子章故詹事范醇敬若霖言三人不足任且舉者不能無私請自今廷推勿以一人主持衆皆畫諾宜籍舉主姓名復祖宗連坐之法詔申飭如若霖言所推悉報寢兵部主事張汝霖大學士朱廣堦也典試山東所取士有篇章不具者若霖疏劾之停其俸中官楊致中枉法拷殺指揮鄭光擢若霖率同官列其十罪不報朱廣獨相朝事益弛若霖言陛下獨相一廢而又晝接無聞補牘莫應使輔臣內託幃幄腹心之重而外得以釜鬻自解於天下此最大患也方今紀綱壞政事壅人才耗庶職空民力窮邊方廢宦豎橫盜賊繁士大夫幾忘廉恥禮義而小民愁苦冤痛之聲徹於寓內輔臣宜慨然任天下重收拾人心以効之當宁如徒謙讓未遑或以人言輕懷去就則陛下何賴焉廣乃緣若霖指力請帝急行新政帝亦不省五月朔大雨雹若霖謂用人不廣大臣專柄之象具疏切言之已而京師久雨田廬盡壞若霖復言東宮輟講逾三年大臣莫爲慮惟比周相倚小臣趨風其流益甚意

古今圖書集成
復詆賡及新輔李廷機輩也三十六年巡視庫藏見老庫止銀八萬而外庫蕭然諸邊軍餉逋至百餘萬疏請集議長策亦留中先是吏部列上考選應授科道者知縣新建汪元功進賢黃汝亭南昌黃一騰與焉賡黨給事中陳治則推轂元功汝亭若霖劾二人讙競吏部因改擬部曹治則怒劾一騰交搆帝以言官紛爭留部疏廷臣屢請乃下而責若霖首倡煩言并元功汝亭一騰各貶一級出之外廷臣論救皆不省若霖遂出爲潁州判官卒

孫振基

按明外史本傳振基字肖岡潼關衛人萬曆二十九年進士除莘縣知縣調繁安丘三十六年四月以治行徵與李成名等十七人當授給事中先除禮部主事四十年十月命始下振基得戶科時吏部推舉大僚每患乏才振基力請起廢韓敬者歸安人也受業宣城湯賓尹賓尹分校會試敬卷爲他考官所棄賓尹搜得之強總裁侍郎蕭雲舉王圖錄爲第一知貢舉侍郎吳道南覺其弊筆之號簿及榜發士論果譁道南欲奏之以雲舉圖資深嫌擠排前輩隱不發及廷對賓尹爲敬黃緣得第一人後賓尹以考察褫官敬亦稱病去事三年矣會進士鄒之麟分較順天鄉試所取童學賢有私

於是御史孫居相并賓尹事發之旨下禮官會吏部都察院議顧不及賓尹事振基乃抗疏請並議未得命禮部侍郎翁正春等議黜學賢謫之麟亦不及賓尹等振基謂議者庇之再疏論劾帝乃下廷臣更議御史王時熙劉策馬孟禎亦疏論其事而南京給事中張薦敬證尤力方賓尹之分較也越房取中五人他考官效之競相搜取凡十七人時賓尹雖廢中朝多其黨欲藉是寬敬而敬素無行正春乃會九卿趙煥及都給事中翁憲祥御史余懋衡等六十三人議坐敬不謹落職閒住御史劉廷元董元儒過庭訓敬同鄉也謂敬關節果真罪非止不謹宜奪職聽勘執不署名意欲遷延爲敬地正春等不從持初議上廷元遂疏劾之公議益憤振基居相篤敬及御史魏雲中等連章論列給事中商周祚亦敬同鄉議并罪道南孟禎以道南發奸不當罪再疏糾駁帝竟如廷元等言勅部更覈廷元黨元詩教遂劾正春首鼠兩端正春尋引去會熊廷弼之議亦起初賓尹家居嘗奪生員施天德妻爲妾不從投繯死諸生馮應祥芮永縉輩訟於官爲建祠賓尹恥之後諸生梅振祚宣祚共淫尙書徐元泰女永縉等又發之督學御史熊廷弼素交歡賓尹判牒言此施湯故智欲藉雪賓尹前恥又以所司報永縉及應祥行劣杖殺永縉巡按御史荆養喬遂劾廷弼殺人媚人疏上徑自

引歸廷弼亦疏辨都御史孫瑋議鑄養喬秩令廷弼解職俟勘時南北臺諫議論方囂各有所左右振基孟禎雲中策及給事李成名麻僖陳伯友御史李邦華崔爾進李若星潘之祥翟鳳翀徐良彥等持勘議甚力而篤敬及給事中官應震姜性吳亮嗣梅之煥元詩教趙興邦御史黃彥士南京御史周遠等駁之疏凡數十上之祥因劾應震等重鄉曲輕朝廷植私黨背公議振基及諸給事御史復極言廷弼當勘斥應震等黨庇自是黨廷弼者頗屈帝竟納瑋言令廷弼解職其黨大恨吏部尙書趙煥者惟詩教言是聽乃以年例出振基及雲中時熙於外振基得山東僉事瑋亦引去振基勁直敢言居諫垣僅半歲數有建白既去科場議猶未定策復上疏極論而賓尹黨必欲十七人並罪以寬敬孫慎行代正春復集廷臣議仍坐敬關節而爲十七人昭雪疏竟留中賓尹敬有奧援外廷又多助之故議久不決篤敬復上疏論敬陰詆諸黨人諸黨人旋出之外并逐慎行旣而居相策引去之祥外遷孟禎不平疏言廷弼聽勘一事業逐去一總憲外轉兩言官矣猶介介於之祥敬科場一案亦去兩侍郎兩言官矣復斷斷於篤敬毋乃已甚乎孟禎遂亦調外凡與敬爲難者朝無一人敬由是得寬典僅謫行人司副蓋七年而事始竣云振基倒官尋以憂去卒於家子必顯字克孝萬

曆四十四年進士官文選員外郎爲尙書趙南星所重天啟五年冬魏忠賢羅織清流御史陳睿謨劾其世投門戶遂削籍崇禎二年起驗封郎中移考功明年移文選尙書王永光雅不喜東林給事中常自裕因劾其推舉不當數事且誡以貪汙御史吳履中又劾其紊亂選法必顯兩疏辨帝不聽謫山西按察司經歷量移南京禮部主事道出柘城歸德適流賊來犯皆爲設守完其城一時推知兵歷尙寶司丞大理左寺丞十一年冬都城被兵兵部兩侍郎皆缺尙書楊嗣昌請不拘常格博推才望者遷補遂擢必顯右侍郎甫一月無疾而卒

翁憲祥

按明外史本傳憲祥字兆隆常熟人萬曆二十年進士爲鄞縣知縣課最入爲禮科給事中以憂去補吏科疏陳銓政五事其一論掣籤法言使盡付之無心則天官之職一吏可代苟爲不然則地本預擬何必於大廷中爲掩飾之術請亟停罷時不能從故事正郎不奉使撫按必俟代至是多反之而江西巡撫許弘綱以父憂徑歸廣西巡撫楊芳亦以憂乞免代憲祥極言非制弘綱貶官芳亦被責言者詆朱廣李廷機輒被譴憲祥言二臣深犯物論勢不可復出陛下徒塞天下口使在廷卷舌

成諛佞風甚非計已劾雲南巡撫陳用賓兩廣總督戴燿並不報是時大僚多缺而侍郎楊時喬楊道賓旬日間相繼物故吏禮二部長貳遂無一人兵部止一尙書養病不出戶刑工三部暨都察院堂上官俱以人言註籍通政大理亦無見官憲祥言九卿俱曠甚傷國體因以補缺官起遺佚數事爲獻報聞屢遷刑科都給事中吏部尙書孫丕揚副都御史許弘綱以考察爲言路所攻求去憲祥言一時賢者直道難容相率引避國是如此可爲寒心旣而軍政拾遺疏爲錦衣都督王之禎所撓久不下罪人陳用賓等已論死疏亦留中憲祥皆抗章論駁知縣滿朝薦李嗣善同知王邦才以忤稅使繫獄力請釋之會冬至停決囚復請推緩刑德意宥繫臣矜楚獄帝皆不報尋調吏科四十一年命輔臣葉向高典會試給事中曾六德以論救被察官坐貶旨皆從內出憲祥力諫中官黃勳趙祿李朝用胡濱等不法亦連疏彈劾久之擢太常少卿居數年卒

孟養浩

按明外史本傳養浩字義甫湖廣咸寧人萬曆十一年進士授行人擢戶科給事中遷左給事中帝嚴譴李獻可養浩疏諫曰人臣卽至狂悖未有敢於侮君者陛下豈真以其侮而罪之耶獻可甫躋

禮垣驟議鉅典一字之悞本屬無心乃遽蒙顯斥臣愚以爲有五不可元子天下本豫教之請實爲宗社計陛下不惟不聽且從而罰之是坐忍元子失學而徹掃宗社也不可者一長幼定序明旨森嚴天下臣民旣曉然諒陛下之無他矣然豫教册立本非兩事今日旣遲回於豫教安知來歲不游移於册立是重啟天下之疑不可者二父子之恩根於天性豫教之請有益元子明甚而陛下罪之非所以示慈愛不可者三古者引裾折檻之事中主能容之陛下量侔天地奈何言及宗社大討反震怒而摧折天下萬世謂陛下何如主不可者四獻可等所論非二三言官之私言實天下臣民之公言也今加罪獻可是所罪者一人而實失天下人之心不可者五祈陛下收還成命亟行豫教臣不勝至願帝大怒言册立已諭於明年舉行今欲設官以何爲名孟養浩疑君惑衆殊可痛惡令錦衣衛杖之百削其籍爲民永不敘用中外交薦悉報寢光宗立起太常少卿半歲中遷至南京刑部右侍郎未之官卒

姜應麟

按明外史本傳應麟字泰符慈谿人父國華嘉靖中進士歷陝西叅議有廉名應麟舉萬曆十一年

進士改庶吉士授戶科給事中貴妃鄭氏有殊寵生子常洵詔進封爲皇貴妃而王恭妃育皇長子已五歲無所益封中外籍籍疑帝欲立愛十四年二月應麟首抗疏言禮貴別嫌事當慎始貴妃所生陛下第三子猶亞位中宮恭妃誕育元嗣翻令居下揆之倫理則不順質之人心則不安傳之天下萬世則不正非所以重儲貳定眾志也伏請俯察輿情收還成命其或情不容已請先封恭妃爲皇貴妃而後及於鄭妃則禮既不違情亦不廢然臣所議者未未及其本也陛下誠欲正名定分別嫌明微莫若俯從閣臣之請册立元嗣爲東宮以定天下之本則臣民之望慰宗社之慶長矣疏入帝震怒抵之地徧宣大璫諭曰册封貴妃非爲東宮起見科臣奈何訕朕手擊案者再諸璫環跪叩首怒稍解遂降旨貴妃敬奉勤勞特加殊封立儲自有長幼姜應麟疑君賣直可降極邊雜職於是得大同廣昌典史吏部員外郎沈璟刑部主事孫如法繼言之并得罪兩京申救者疏數十上皆不省自後言者盪起咸執立儲自有長幼之旨以責信於帝帝雖厭苦之終不能奪也應麟居廣昌四十年量移餘干知縣以父憂歸服闋至京會吏部數以推舉建言諸臣得重譴應麟遂不復補家居二十年光宗立起太僕少卿給事中薛鳳翔劾應麟老病失儀遂引疾去崇禎三年卒贈太常卿